

Enformaziuns y Comunicaziuns



Laürs cortina: En dedòlonesc ai 19 d'auri mèt man i laürs de ressanamont dla cortina. Desco pröm laür vègnel tut demez les fosses dlungia le mür, co mëss gní trat jö y fat sö danö. Desco belo dit, gnarál tut demez les crusc y les toflies (fajunse nos), che düc se tolará a ciasa por le tomp che al vën fat i laürs. I enteressês é porchël periês da **gní a s'les dô anter le vëndres ai 22 d'auri**. Les peres (zarghes) gnará motüdes jö al sogü, t'en post slüt. Al gnará ciamó lascé alessëi can che al vën spo tut demez les crusc (mâ les crusc, linternes y bochès dal'ega santa) dles fosses dlungia le rest dal mür, dal monumont de Catarina Lanz cina ia tal ciantun cuntra la caserm dai Carabinieri y la cortina nea. I ti damanun a düc da avèi en pü' de pazionza y comprension por cösc tomp. Atramonter ne vára nia da porté ennant i laürs. Vigne dita co laora, sá che ara mëss laoré tal mascim respet dai morc y dal post te chël che ares laora. Le fin é da avèi spo na cortina dègna de nüsç morc y dal païsc d'Al Plan.

Edema Santa: Eniann él chisc orars por les Santes funziuns: **Jöbia Santa** ales 19:30; **le Vëndres Sanc** ales 17:00; **la Sabeda Santa** ésera ales 19:00.

Marcé: La Schira Jonila mèt da jí en picio marcé da Pasca sön plaza de dlijia, **cösta domègna ai 10 d'auri dô la gran mësä**. Düc é bel enviês da storje pro.

Zënter Families: Le Zënter Families envièia mituns y mitans dla Uniun da jí a chirí i üs da Pasca, en **Lönesc de Pasca ai 18 d'auri**. An s'encunta ales 9:30 dan Ciasa dal Parch. Infos y prenotaziuns anter i 10.04. tres SMS pa Marina al 380 5145840 (dé dant ennom y paisc). Prëibel se tó empara en cëst.

Na resa por la vita: La Südtiroler Krebshilfe mèt da jí l'aziun „Na resa por la vita - daidé por daidé“. **En Pasca dô mësadora y dô la gran mësä** gnarál vonü reses. Ci co vën ete vá a bën dl'assoziazion y ensciö dles porsones atocades dla maratia.

Comune/1: L'Ombolt y l'Aministrazion de Comune envièia ala reuniun con la popolaziun, co sará tló Al Plan **ai 20 d'auri ales 20:00**, te salf dles manifestaziuns.

Comune/2: Al vën lascé alessëi che desco da regolamont, romagnará le **zënter de reziclaje slüt en Vëndres Sanc**, ai 15 d'auri (dé de festa).

Referat: Les Scores dla Val Badia y le Sorvisc ai Jogn envièia al referat online „**Le emozioni nei bambini e come gestire i comportamenti difficili**“ con la psicologa dra. Veronika Rottensteiner. Al vën tigní en dedemesaledema **ai 13 d'auri ales 18:00** sön la plataforma Zoom. Le link por tó pert é cösc: <https://zoom.us/j/99472798618>

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vigile

Ploan: **Signor Klaus Sottsas**
E-Mail: ksottsas@rolmail.net

Calogna Al Plan: **0474 501006**
Radio de Ploania: **93,00 MHz**

UNITÉ PASTORALA



VAL BADIA

www.unitepastorala.org

Ann C

**10.04.2022 - Domègna dal Orí - de Pasciun
EDEMA SANTA**

nr. 20

Benedí sides le re co vën tal ennom dal Signur

Dal Vagnele dô San Luca 19, 28-40

Te chël tomp ²⁸é Gejú jü sö cuntra Ierusalem. ²⁹Canch'al ea roé dlungia Bètfaqhe y Betania sön chë munt ch'an ti dij Munt dal Orí, ál orcé dui discepuj danfora ³⁰y ti á dit: Jide tal païsc co é dan da nos. Canch'i roëis ete, ciararëise en müsc jonn taché sön chël ch'al n'é ciamó sté degügn co s'á sonté. Destachedele, y condüjedele adalarch! ³¹Y sce zacai ves damana: Ciodi le destachëise pa?, spo rospognede: Le Signur l'adora. ³²I dui é piês ia y á ciáfé döt desch'al ti á dit. ³³Canch'ai á destaché le polerin, ti á i patruns dit: Ciodi destachëise pa le müsc? ³⁴Ai ti á rospognü: Le Signur l'adora. ³⁵Spo ái condüt le müsc jonn da Gejú, á motü sü guanc sön le tier y á daidé sö Gejú. ³⁶Dertan ch'al raitâ ennant, destenea i discepuj sü guanc ia por strada. ³⁷Canch'al ea roé tal post olache le tru vá dla Munt dal Orí jöpert, á düc i discepuj motü man dla ligrëza da laldé dadalt Idio por dotes les operes miracoloses ch'ai á odü. ³⁸Ai scraiâ: Benedí sides le re co vën tal ennom dal Signur. Pêsc tal cí y gloria sö alalt! ³⁹Danló ti á scraie pormez valgügn farisês fora dla meja: Maester, mèt da scuté tü discepuj! ⁴⁰Al á rospognü: I ves diji: Sce chisc scuta, sarál les peres co scraia. **Parora dal Signur. - Lalt a te, Gejú Crist!**



I meditun le Vagnele



- La storia dla Pasciun y mort de Gejú nes condüj t'l'Edema Santa. Al pö la fin de cösc Messia, endere sánse che al é le mëter man de na storia nea por l'umanité.
- Arjignun ca nosc cör, i n'orun nia se lascé tó dla fraidité y superfizialité. Acompagnun Gejú te sü momonc plü dramatics. Deboriada con èl podarunse spo se goder la ligrëza dla resoreziun.

I periu ensciö



Gejú, encö él la fola co te atlamèia desco le Messia co vën tal ennom dal Signur. En doman sarál la medema jont co se damana tóa condana a mort. Encö destonunse mantí sön strada, en doman lasciaraste sön chës strades to söus y sanch. Encö te fajunse festa, en doman t'odunse söla crusc. Val' iade sunse ince nos püch coerënc, Signur. I ne podun nia fá ater co te perie con umilté: ais pieté de nos por nostes mancianzes. Scinchesse la ligrëza de tóa vita. (Walter Cazzaniga, Parola Amica)

Edema liturgica dai 10.04. ai 17.04.2022 – EDEMA SANTA		
DOM 10.	domègna dal orì FESTA DAL INGRES DE GEJÚ A IERÚSALEM	<i>Engelbert, Magdalena G.</i>
08:30	<i>s.m. a La Pli</i>	
10:00	gran mëssa por dōta la ploania <i>oferta por la ploania</i> Benedisciun dal orì sòn paiun con ingres te dlijia 3. requiem por +nt Eduard Ties +nc' de Comploi Richard y Feichter Maria vîs y +nc' dla familia de Eduard Frenner	LAD
18:00	Les Staziuns	
Lön 11.	dl'edema santa / <i>Gemma Galgani, Stanislaus</i>	
18:00	s.m. dal ann por +nt Ties Tone dal Nora +nc' Maria y Carlo Tamers y Angela y Tone Ties +nc' Maria y Franz Tamers – por na bona mort	DEU
Ded 12.	dl'edema santa / <i>Zeno, Herta</i>	
19:30	corona	
Dem 13.	dl'edema santa / <i>Martin I., Ida</i>	
18:00	Les Staziuns	
Jöb 14.	JÖBIA SANTA / <i>Valerian, Lidwina, Erna</i>	
19:30	S.M. por i mituns dla Pröma Santa Comeniun	LAD
Ven 15.	VENDRES SANC / <i>Hunna, Damian</i>	
N.B.:17:00	Funziun dal vendres sant	LAD
Sab 16.	SABEDA SANTA / <i>Bernardette Soubirous, Benedikt Josef Labre</i>	
19:00	S.M. por la comunité	LAD
DOM 17.	GRAN FESTA DE PASCA	<i>Eberhard, Rudolf, Max Josef</i>
→ 06:30	Messadora dal ann por +nt Carlo Sorbatelli +nc' Maria Clara y Pire Devall de rengraziamont y en onù dal Spirit Sant	DEU
9:00	proa dal cor de dlijia	
10:00	gran mëssa por dōta la ploania <i>oferta por la ploania</i> +nta Zingerle Kehrler Maria +nta Ploner Complojer Maria +nt Edi Pizzinini por la familia de Elvira, Ruth y Renate	LAD

Du Gott des Aufbruchs...

... segne uns, wenn wir dein Rufen vernehmen, wenn deine Stimme lockt, wenn dein Geist uns bewegt zum Aufbrechen und Weitergehen.

... begleite und behüte uns, wenn wir aus Abhängigkeiten entfliehen, wenn wir uns von Gewohnheiten verabschieden, wenn wir festgetretene Wege verlassen, wenn wir dankbar zurückschauen und doch neue Wege gehen.

... sei mit uns unterwegs zu uns selbst, zu den Menschen, zu Dir. *(Michael Kessler)*

Ponsier dla Domègna dal Orì

Chêl Bel Dio pó ma mèter valch de bun te nostes mans, sce i án danfora l'orenté da daorí nosta man. En pügn ne sciafia da tó sö nia. *(Hans Peter Royer)*

Tomp por l'orientamont nö

Chêl co vir valgamia acort y mêt averda ai sègns dal tomp, sont, canche en cambiamont de vita é daimpró: En travert belo dio aspeté, é atló; En dejiar vègn realté, na delujiun: entrami porta cambiamont, damana orientamont nö. Sünsi bun/a da ti tigní bot? Me capiará pa les porsones, che mo stá dlungia? Gnaráres pa ennant le tru con me? Sarunse bogn da superé la crisa?

LA DOMÈGNA DAL ORÍ é na bona ocasiun da ponsé sora cōstes domandes.

I festejun Gejú co vègn tut ete a Ierusalem. Tles mësses dai dis dal'Edema Santa le acompagnarunse sòn so tru, meten man con söa entrada te Ierusalem y slüjenn jö con le sepolcher öt. *(Sb)*

I periun:

Signur, tò che t'es jü fora por la scürité tal lominus, tres la mort ala vita, i te præii:

Ch'i vèighi töa löm tal scür,
Ch'i söntes, che te m'es dlungia tal dolur,
Ch'i speri - en odüda dla mort - te töa vita.
Y che presentimont, esperionza y speranza vègnes realté
te töa grazia y te to amur.
Amen.

Sorvisc dai Ministronc

Lönesc 11/04 (18:00h): Lea y Oliver Bonato;

Dedemesaledema 13/04 (18:00h): Maneschg Pire, Elias y Silvia Obojes, Damian y Matthias Winkler;

Jöbia Santa 14/04 (19:30h): Michelle Agreiter, Lisa Alberti, Sofia Castlunger, Diana y Madalena Deval, Amelie y Valentina Erlacher, Niki Fappani, Elisa y Emanuel Frenademetz, Andy y Mattia Ploner, Anita Possamai, Anna Promberger, Angela Trebo;


Vëndres Sanc 15/04 (17:00h): Jimmy Call, Maja Complojer, Matthias Deval, Giovanni Gnesotto, Roman Kaneider, Maneschg Pire, Antonio Mauro, Emma Mutschlechner, Elias y Silvia Obojes, Jonas Rindler, Barbara Rungger Kuprian, Armin y Simon Trebo, Damian y Matthias Winkler;

Sabeda Santa 16/04 (19:00h): Diana y Madalena Deval, Niki Fappani, Felix y Lena Feichter, Elena, Elisa y Emanuel Frenademetz, Andy y Mattia Ploner, Anna y Jan Paul Promberger, Sophie Rungger Kuprian, Angela Trrebo, Damian Winkler;

Domègna de Pasca 17/04 (06:30h): Marco Alberti, Sofia Castlunger, Anna y Luca Clara, Giovanni Gnesotto, Roman Kaneider, Mattia Leggio, Michael Leimegger, Elias y Silvia Obojes, Andy y Mattia Ploner, Armin y Simon Trebo;

Domègna de Pasca 17/04 (10:00h): Michelle Agreiter, Diana, Madalena y Matthias Deval, Amelie y Valentina Erlacher, Felix y Lena Feichter, Elena y Elisa Frenademetz, Emma Mutschlechner, Anita Possamai, Jan Paul Promberger, Barbara y Sophie Rungger Kuprian;

Lönesc de Pasca 18/04 (10:00h): Lisa Alberti, Lea y Oliver Bonato, Jimmy Call, Maja Complojer, Michael Leimegger, Maneschg Pire, Antonio Mauro, David y Romina Palfraeder, Anna y Jan Paul Promberger, Jonas Rindler, Angela Trebo, Damian y Matthias Winkler



Wer sich nach Licht sehnt,
ist nicht lichtlos, denn
die Sehnsucht ist schon Licht.

Bettina von Arnim

